

施耐菴水滸傳

金閨

貫華堂古本
葉瑤池梓行

第五才子

書

本衙藏板

第五才子書施耐菴水滸傳卷之五

聖歎外書

試看書林隱處幾多俊逸儒流虛名薄利不關愁
裁冰及剪雪談笑看吳鉤評議前王并後帝分真
僞占據中州七雄擾擾亂春秋興亡如脆柳身世
類虛舟見成名無數圖名無數更有那逃名無數
霎時新月下長川滄海變桑田古路訝求魚緣木
擬窮猿擇木又恐是傷弓曲木不如且覆掌中杯

再聽取新聲曲度

楔子

張天師祈禳瘟疫

洪太尉誤走妖魔

哀哉乎此書既成而命之曰水滸也是一百
八人者爲有其人乎爲無其人乎誠有其人
也卽何心而至於水滸也爲無其人也則是
爲此書者之胸中吾不知其有何等冤苦而

必○設○言○一○百○八○人○而○又○遠○托○之○於○水○涯○吾○聞○
率○土○之○濱○莫○非○王○臣○普○天○之○下○莫○非○王○土○也○
一○百○八○人○而○無○其○人○猶○已○耳○一○百○八○人○而○有○
其○人○彼○豈○真○欲○以○宛○子○城○蓼○兒○注○者○爲○非○復○
趙○宋○之○所○覆○載○乎○哉○吾○讀○孟○子○至○伯○夷○避○紂○
居○北○海○之○濱○太○公○避○紂○居○東○海○之○濱○二○語○未○
嘗○不○歎○紂○雖○不○善○不○可○避○也○海○濱○雖○遠○猶○紂○
地○也○二○老○倡○衆○去○故○就○新○雖○以○聖○人○非○盛○節○

也○彼○孟○子○者○自○言○願○學○孔○子○實○未○離○於○戰○國○
游○士○之○習○故○猶○有○此○言○未○能○滿○於○後○人○之○心○
若○孔○子○其○必○不○出○於○此○今○一○百○八○人○而○有○其○
人○殆○不○止○於○伯○夷○太○公○居○海○避○紂○之○志○矣○大○
義○滅○絕○其○何○以○訓○若○一○百○八○人○而○無○其○人○也○
則○是○爲○此○書○者○之○設○言○也○爲○此○書○者○吾○則○不○
知○其○胸○中○有○何○等○冤○苦○而○爲○如○此○設○言○然○以○
賢○如○孟○子○猶○未○免○於○大○醇○小○疵○之○譏○其○何○責○

於○稗○官○後○之○君○子○亦○讀○其○書○哀○其○心○可○也○
古○人○著○書○每○每○若○千○年○布○想○若○千○年○儲○材○又○
復○若○千○年○經○營○點○竄○而○後○得○脫○於○稿○哀○然○成○
爲○一○書○也○今○人○不○會○看○書○往○往○將○書○容○易○混○
帳○過○去○於○是○古○人○書○中○所○有○得○意○處○不○得○意○
處○轉○筆○處○難○轉○筆○處○趁○水○生○波○處○翻○空○出○奇○
處○不○得○不○補○處○不○得○不○省○處○順○添○在○後○處○倒○
插○在○前○處○無○數○方○法○無○數○筋○節○悉○付○之○於○茫○

然不知而僅僅粗記前後事跡○是否成敗以助其酒前茶後雄譚快笑之旗鼓○嗚呼史記稱五帝之文尚不雅馴而爲薦紳之所難言○奈何乎○今忽取綠林豪猾之事而爲士君子之所雅言乎○吾特悲讀者之精神不生○將作者之意思盡沒○不知心苦實負良工○故不辭不敏而有此批也○

此一回○古本題曰○楔子○楔子者○以物出物之○